

Headlines

1. रेलवे मंत्रालय आसेआ नमां जम्मू रेलवे डिविजन कायम कीता जाग। प्रधानमंत्री नरेंद्र मोदी होर 6 जनवरी गी करंगन वर्चुअल उद्घाटन।
2. मुख्मन्त्री उमर अब्दुल्ला होरें आखेआ जे सरकार बर्फबारी दे मद्देनजर कुसै बी चाल्ली दे मौसमी हालात कन्नै निब्वडने लेई तैयार ऐ।
3. सेहत मंत्री होरें जवाहर लाल नेहरू मेमोरियल अस्पताल दा चानचक्क दौरा लाया ते उत्थे दित्ती जा'रदी सहूलतें दा जायजा लैता।
4. जम्मू-कश्मीर दे पैरा तीरंदाज राकेश होरें गी 17 जनवरी गी अर्जुन सम्मान कन्नै नवाजेआ जाग।
5. मौसम विभाग नै 5 ते 6 जनवरी लेई यैलो अलर्ट जारी कीता ऐ। 4 थ्वां 6 जनवरी बश्कार भारी बर्फबारी ते बरखा होने दी पेशगोई कीती ऐ।

<><><><><><>

Jammu rly Division

रेल मंत्रालय फिरोजपुर डिविजन दा पुर्नगठन करियै उत्तरी रेलवे जोन तैहत इक नमा रेलवे डिविजन कायम करोग जेदा मुख्यालय जम्मू च होग। आकाशवाणी संवाददाता नै जानकारी दित्ती ऐ जे मंत्रालय आसेआ उत्तरी रेलवे गी पैहली जनवरी 2025 गी आधिकारिक तौर पर दित्ती गेदी जानकारी च आखेआ गेआ ऐ जे जम्ू डिविजन लेई 5 सैक्शनं प्रस्तावित कीतियां गेइयां न। तोआई, 5 जनवरी गी श्रीनगरथमां जम्मू लेई इक विशेष निरीक्षण रेल गड्डी चलाई जाग जेडी खित्ते दे रेल सरबन्धी विकास च इक संगेमील साबित होग। आकाशवाणी जम्मू दे संवाददाता दी रिपोर्ट मूजब प्रधानमंत्री नरेंद्र मोदी होर 6 जनवरी गी वीडियो कांफ्रेंसिंग राहें जम्मू रेलवे डिविजन दी स्थपना दी घोषणा करंगन। इस कार्यक्रम च उपराज्यपाल मनोज सिन्हा होर ते मुख्मन्त्री उमर अब्दुल्ला बी शामिल होंगन। 5 जनवरी गी केंद्री रेल मंत्री होर श्रीनगर रेलवे स्टेशन ते कश्मीर रेल परियोजना दी उधमपुर-श्रीनगर-बारामूला रेल लिंक सेक्शन दा निरीक्षण करंगन। इस बारै होर मती जानकारी दिंदे होई जम्मू दे एडिशनल डिविजनल रेलवे मैनेजर राजीव कुमार सिंह होरें आखेआ। एहदे अलावा रेलवे सुरक्षा दे कमिशनर दिनेश चंद देशवाल होर 7 ते 8 जनवरी गी कश्मीर रेल परियोजनां दे रियासी कटड़ा सेक्शन दा निरीक्षण करंगन।

<><><><><><>

CM-Snowfall

मुख्मन्त्री उमर अब्दुल्ला होरें अज्ज आखेआ ऐ जे प्रशासन बर्फबारी ते स्याले दौरान पेश आवा'रदी चुनौतिएं कन्नै निब्वडने लेई पूरी चाल्ली तैयार ऐ। अपने घर दे बाहर मीडिया आहलें कन्नै गल्ल करदे होई मुख्मन्त्री होरें आखेआ जे बर्फबारी ते स्याल कन्नै निब्वडने लेई अस्स पूरी चाल्ली तैयार हां ते इस सरबन्धै च कई बैठकां बी लाइयां गेइयां न। इस मौके पर बिजली दी कटौती बारै गलांदे होई मुख्मन्त्री होरें आखेआ जे स्थिति च सुधार करने ते कटौती गी घट्ट करने लेई जत्त कीते जा'रदे न। उनें भरोसा दोआया जे जारी जत्तें कन्नै औंदे दिनें च बिजली कटौती च कमी औग।

<><><><><><>

GoC-White Knight Corps

व्हाईट नाइट कोर दे जीओसी लेफ्टिनेंट जनरल नवीन सचदेवा होरें एस ऑफ स्पेड्स डिविजन दे जीओसी हुंदे कन्नै राजौरी ते पुंछ सैक्टर कन्नै लगदी कब्जा रेखा आहली अगेत्री चौकिएं दा दौरा लाया। आकाशवाणी जम्मू दे संवाददाता दी रिपोर्ट मूजब अपने दौरे दौरान अफसरें बलें दी तैयारिएं दा जायजा लैता। राश्ट्र सुरक्षा ते शांति बहाली लेई बलें आसेआ कीते गेदे जत्तें दी उनें सराहना कीती। जीओसी होरें सुरा बलें गी जोर देइए आखेआ जे ओह कुसै बी पैदा होई सकने आहली चुनौती लेई पूरी चाल्ली तैयार रौहना। इक होर तयार रौहना। इक होर कार्रवाई तैहत जीओसी होरें आई.ए.एस अफसर सखेत्रुएं कन्नै बी गल्ल कीती।

<><><><><><>

Fibro Scan Facility

सेहत मैहकमा जम्मू आसेआ जीएमसी ते सहायक अस्पताल राजौरी च फाइब्रो स्कैन फैसिलिटी दी शुरूआत होई ऐ। एह सुविधा जिग्र सरबन्धी बमारी दे मरीजें लेई ऐ। पैहले इनें मरीजें गी जम्मू औना पौंदा हा। जीएमसी राजौरी दी प्रिंसीपल डॉ. ए.एस भाटिया होरे इस बारै मीडिया कर्मिएं गी जानकारी दिती। उनें आखेआ जे इस सुविधा कन्नै मरीजें गी बड़ी मती स्थूलत होगा। एहदे अलावा जीएमसी राजौरी च रेडियोग्राफी आहली मशीन बी लाई गई ऐ। इस मौके पर जीएमसी राजौरी दी प्रिंसीपल डॉ. ए.एस भाटिया होरें आखेआ।

<><><><><><>

Nagar Kirtan JK

इस मौके पर पंज प्यारें शब्द कीर्तन करदे होई ते भजन करदे होई गुरु जी हुंदा जन्म ध्याड़ा मनाया। तोआई कठुआ जिले च बी बड़ी मती गिनतरी च श्रद्धालुएं गुरु गोबिंद सिंह हुंदे जन्म ध्याड़े गी मनाने लेई नगर-कीर्तन च हिस्सा लैता। जिला गुरुद्वारा प्रबंधक कमेटी कठुआ आसेआ आयोजित नगर कीर्तन गुरुद्वारा सभा कठुआ थमां शुरू होइयै शैहरै दे बक्ख-बक्ख हिस्सें थमां लंग्हेआ। कठुआ दे एमएलए डॉ. भरत भूषण, जिला गुरुद्वारा प्रबंधक कमेटी दे अध्यक्ष चरणजीत सिंह ते होर मन्ने-परमन्ने दे लोकें नगर कीर्तन च हिस्सा लैता।

<><><><><><>

Doda-Cleanliness Drive

डोडा जिला प्रशासन नै Switch for change संगठन दे सहयोग कन्नै ठोस कचरा प्रबंधन बारै जत्त दी शुरूआत कीती ऐ। एह शुरूआत जिले दी वार्ड नंबर 8 च शुरू होई ऐ तां जे जिले गी हरा भरा ते साफ बनाया जाई सकै। इस जत्त दा मकसद आम लोकें च ठोस कचरे दे प्रबंधन बारै जागरूकता पैदा करना ते एहदे पर्यावरण पर होने आहले नुकसान बारै जानकार बनाना ऐ। म्युनिसिपल कमेटी डोडा दे एग्जीक्यूटिव अफसर रवि कुमार होरें घोषणा कीती ऐ जे एह मुहिम सारे वार्डें च चलाई जागा।

<><><><><><>

Ito JLN Inspection

सेहत ते शिक्षा मंत्री सकीना इतू होरें अज्ज ज्वाहर लाल नेहरू मेमोरियल अस्पताल रैनावरी दा व्यापक जायजा लैता ते उत्थे मकामी लोकें लेई मेडिकल स्थूलतें दी उपलब्धता दी समीक्षा कीती। जायजे दौरान सकीना इतू होरें अस्पताल दा दौरा लाया ते सेहत सुविधा सरबन्धी कम्मकाज दी समीक्षा कीती। उनें अस्पताल दी ओपीडी, आई.पीड.डी ऑप्शन थियेटर, ब्लड बैंक ते होरनें इकाइयें दा निरीक्षण कीता। अस्पताल प्रशासन ते अमले कन्नै गल्लबात करदे होई मंत्री होरें अस्पताल च मरीजें दी दिक्खभाल लेई साजगार माहौल बनाई रखने ते वार्ड च साफ-सफाई पर जोर दिता।

<><><><><><>

Rakesh Arjun Award

जम्मू-कश्मीर थां अंतरराष्ट्रीय पैरा तीरंदाज राकेश कुमार होरें गी प्रतिष्ठित अर्जुन पुरस्कार कन्नै सम्मानित कीता जाग। युवा मामले ते खेड़ें दे मंत्रालय नै अज्ज 2024 दे राश्ट्रीय पुरस्कार हासल करने आहलें दे नाएं दी घोषणा कीती। एह पुरस्कार खडारिणं गी 17 जनवरी गी राश्ट्रपति भवन च राश्ट्रपति द्रौपदी मुर्मू आसेआ दित्ते जांगन। राकेश होरें कई अंतरराष्ट्रीय खेड़ें च भारत दा प्रतिनिधित्व कीता ऐ। उनें अपने करियर दौरान हासल समर्थन ते मार्गदर्शन लेई धन्नवाद कीता।

<><><><><><>

Mission Yuva Reask

मिशन युवा तैहत बेसलेस सर्वे रियासी जिले च अधिकारिक तौर पर शुरू होई गेआ ऐ। इस सर्वेक्षण दा मकसद खित्ते च युवाएं दी सामाजिक ते आर्थिक स्थिति, कौशलता, शैक्षिक स्थिति ते रोजगार दी जरूरतें बारै मते महत्वै आहले आंकड़े किट्टे करना ऐ। युवाएं गी सशक्त बनाने दे विजन कन्नै चलाए जाने आहले इस अभियान राहें शिक्षा, कौशल, विकास ते उद्यमिता च सुधार दे मौके दी पंछान कीती जाग। इस मौके पर बोलदे होई ADDC Reasi Sukhdev Singh Sambyal सम्बयाल होरें इस पैहलकदमी दी महत्ता गी उजागर करदे होई आखेआ।

<><><><><><>

Director Agriculture Mushroom

राई-बाई ते करसानें दे कल्याण सरबन्धी विभाग जम्मू दे डरैक्टर अरविंद्र सिंह रीन होरें कल कृषि भवन च छिटाके प्रजातिएं दिएं खुम्बें दी पैहली उपज हासल करने दे कम्मै दा उद्घाटन कीता। छिटाके प्रजाति दिएं खुम्बें च अनौखे औषधीय गुण मजूद हुंदे न जिंदे च कैसर रोधी गुण, रोगें थमां बचाने आहले समर्थ च बाद्ा करने दे गुण, एलर्जी रोधी प्रभाव मुख् तौरा पर शामिल न। रीन होरें आखेआ जे इनें खुम्बें दी रड़ करियै करसान बड़ी मती औदन हासल करी सकदे न। इस गैंहू दा मकसद खित्ते च खुम्बें दी काश्त गी मता बढ़ावा देना ऐ।

<><><><><><>

Weather

मौसम विभाग नै जम्मू-कश्मीर च औंदी 5 ते 6 जनवरी गी मौसम सरबन्धी येलो-अलर्ट आहली चेतावनी जारी करदे होई आखेआ ऐ जे इस दरान बक्ख-बक्ख थाहें पर भारी बरखा ते बर्फबारी होई सकदी ऐ। आकाशवाणी दे जम्मू संवाददाता मूजब, स्थानीय मौसम विभाग दी चेतावनी च प्रदेश दे केई हिस्सें च भारी बरखा बरने ते बर्फबारी दे असार दस्से गे न। इस अवधि दरान, उच्चिणं धारें पर बर्फू दे ल्हास-तोदे पौने ते मुख् सिड़कें पर गड्डिणं दी आओजाई प्रभावित होने दी शैंका बी जताई गेई ऐ।

<><><><><><>

NIC

उच्च शिक्षा मैहकमे दी अगुवाई च अपनी किस्मा दा पैहला All Women NSS National Integration Camp (NIC) दा आयोजन महिलाएं दे सरकारी कालेज गांधी नगर जम्मू च कीता गेआ जेदा विषेसार हा Women Empowerment and Emanicipation जेडा नारी शक्ति ते महिला सशक्तिकरण गी दर्शादा ऐ। इस कार्यक्रम दा उद्घाटन उच्च शिक्षा मैहकमे दे ते पदमश्री पदमा सचदेवा गौरमैंट पी.जी कॉलेज गांधीनगर जम्मू नै सांझे तौरा पर कीता।

<><><><><><>